



UNIVERSITÄTS-
BIBLIOTHEK
PADERBORN

Universitätsbibliothek Paderborn

Benedicti Ariæ Montani Hispalensis Poemata

In Qvatvor Tomos Distincta

Humanæ salutis Monumenta, & Odæ variæ

Arias Montano, Benito

Antverpiæ, 1589

In Hosseam Vatem Carmen Ex Voto.

urn:nbn:de:hbz:466:1-44973

IN HOSSEAM VATEM

CARMEN EX VOTO.

QVI sacris vatum veterum receptus
Nuper arcanis cupido piorum
Fidus interpres populo reponens
Vera canebam,
Quid modò gratus celebrem poëta?
Quid priùs laudum referam canoris
Versibus, vel quæ resonent Nauarum
Carmina rupes?
Te Deum nostri & generis parentem
Vnde rerum sunt elementa, & ipse
Orbis, & quicquid supereft decori
Mœnia mundi.
Quem neque æterni metuenda fati
Impulit primas posuisse formas,
Nec satas longum retinere in ænum
Vlla iubet vis.
Libera ast solum sapientis vltro
Confili mens hæc voluit benignè
Esse, distinctis numerisque, dixit,
Omnia sunt.
Idem & humanum genus esse magni
Particeps regni dedit, id sed astu
(Pro dolor) vafri colubri ruinam
Sensit inertem.
Tu tamen terti miseratus ictum
Dentis, & nostros reparare casus,
Et mali occultam rabiem veneni ex-
stinguere tendis:
Te redemptorem misericorde rerum
Cursibus tandem profugus salutem
Sperat Israël, cupit atque anhelo
Postular ore.
Qui tibi charus coluit beatas
Iebusum sedes, vbi mella quercus
Sudat, & lactis liquidi pererrant
Oppida riui.
Nunc in ignotis regionibus, nunc
Inter iniquas vagâ turba gentes

Ingenit

94 E. ARIAE MONTANI

Ingemit culpas, memoratque priscae
Tempora sortis.

Sed dabis duro pater o labori
Exitum, qualem recolenda vatum

Credere, & summis petere in periclis
Certa iubet vox:

Annue, & finem properare dannis
Præcipe, ac duris meliora rebus
Ponito, ad nostros pecora hæc reducens

Deuia pastus.

Tu quoque æterni fôbes parentis
Vnica, æquales tibi prisca honores
Dat fides, cultu celebratique eodem

Cum patre natum.

Namque te seclis socium creandis
Teque seruandis sapiente dextra,
Te reponendis voluit ministram
Esse ruinis.

Vatibus præsens neque te silebo
Spiritus nati & genitoris ardens

Charitas, quando neque tu minori
Numine gaudes.

Qui mare & terras refici que, olympi
Et fones oras bonus & frequentas,

Qui probas quicquid pater atque natus
Consilij dant.

Virginum præstans iuuenientie doctor
Qui colis mentes placidus modestias,

Dexter o laudum cupidum tuarum

Proripe vatenn

Pectoris puri penetratot adsis

Igne marcentes renouare sensus

(Nam potes) nostræ tenebrasque mentis

Discute certus.

Fallor? an motu trepidat superno

Mens, & excelsas videor per auras

Tollier? iam, iam, procul usque terris

Euehor ardens.

Raptus in cæli radiantis oras

Audiam voces, quibus ipse reddam

Magna priscorum monumenta vatum

Ore Latino.

Hinc procul curæ tenues abeste

languor

Quidquid

Quidquid infrenis petit aut voluptas,
Vana spes, menda honor, & cupido
Suadet habendi.

Tuque Laurenti decus o canendum
Hesperis altum medios per ignes
Qui petis cælum populo stupente &
Iudice sauo,

Nunc in excelsa spatiaris aura,
Igne nunc felix recrearis almo,
Vnde sunt vitæ ac aliena tristi
Munera letho.

Nos tuis præsens precibus iuuato,
Si tibi nostri placuere nuper
(Hosseæ vatis colo dum sacerdos
Dicta) labores.

In Ioelem Hymnus ex voto.

D Escende cælo, & curribus igneis
Vatem remotis nubibus o tuum
Vulgo procul raptum prophano
Spiritus alme supra polum fer.

Qui regna puri fulgida temperas
Cæli, & beatas luce fouens domos
Fluctus maris compescis, almum
Dasque diem recreator orbi,
Orbem regentis tu sapientiae

Consultus almis vatibus intima
Comititis arcana, & futuris
Temporibus facis interesse.

Felix & ampla forte beator,
Quem tu docendum suscipis, altaque ad
Decreta, diuinaque leges
Assidue meditanda tollis.

Illi sacrarum mystica mentium &
Natura rerum tota subest, neque
Intacta vis later profundi; hic
Cuncta oculis animoque lustrat.

Jam quæ sit orbis cursibus aut via
Calcanda, rerum aut quis pateat status,
Quid voluat axis, quod serenum,
Quæve homines maneat procella,

Discernit.